

**Mirzo Ulug‘bek nomidagi O‘zbekiston Milliy universitetining Jizzax filiali
davlat-xususiy sheriklik asosida talabalar turar joyi hamda maktabgacha
ta’lim muassasasini barpo etish loyihasi yuzasidan jamoatchilik muhokamasi
e’loni**

Ma’lumki, so‘nggi yillarda mamlakatimizda xususiy sektorga berilayotgan e’tibor kundan-kunga kuchayib bormoqda. Zero, davlat tomonidan ko‘rsatiladigan ba’zi xizmatlarning xususiy sektorga o‘tkazilishi nafaqat mazkur sohada ko‘rsatiladigan xizmat sifatini oshishini, balki budget mablag‘larining samarali sarflanishini ham ta’minlaydi.

O‘zbekiston Respublikasi Vazirlar Mahkamasining 2021-yil 9-sentabrdagi “Respublika oliy ta’lim muassasalarida talabalarni turar joy bilan qamrab olish darajasini oshirish chora-tadbirlari to‘g‘risida”gi 563-sonli qarori qabul qilingan. Mazkur qarorda talabalar turar joylarini davlat-xususiy sheriklik asosida xususiy investitsiyalarni jalb qilish orqali barpo etish belgilangan.

O‘zbekiston Respublikasi Vazirlar Mahkamasining 30.10.2024 yildagi **“Davlat-xususiy sheriklik sohasini yanada takomillashtirish hamda kompleks tizimlashtirish chora-tadbirlari to‘g‘risida”**gi 720-son qarori bilan tasdiqlangan **“Davlat-xususiy sheriklik loyihalarini amalga oshirish tartibi to‘g‘risida”**gi nizom 11-bandida aholining, tovarlarni (ishlarni, xizmatlarni) iste’mol qiluvchilarning, ulardan foydalanuvchilarning manfaatlarini inobatga olish maqsadida vakolatli davlat organining talabiga binoan DXSh loyihasi jamoatchilik muhokamalari bilan birga tayyorlanishi lozimligi qayd etilgan.

Yuqoridagilardan kelib chiqib, Jizzax shahar Jizzaxlik MFY hududida davlat-xususiy sheriklik asosida talabalar turar joyi barpo etish loyihasi (*quyidagi ilova qilingan jadvalga qarang*) ishlab chiqilayotganligi ma’lum qilinadi.

Loyiha doirasida tadbirkorlik subyekti va Davlat budgeti mablag‘lari hisobidan **400 o‘rinli** talabalar turar joyi hamda 100 o‘rinli maktabgacha ta’lim muassasasi quriladi, Bunda, xususiy sherikka talabalar turar joylarini qurish uchun loyiha-smeta hujjatlari bo‘yicha bir o‘ringa to‘g‘ri keladigan qiymatning **50 foizi**, biroq bazaviy hisoblash miqdorining **100 baravaridan** ortiq bo‘lmagan miqdorda subsidiya ajratiladi.

Loyiha doirasida xususiy sherik va budget mablag‘lari hisobiga qurilgan talabalar turar joyi hamda tadbirkorning mablag‘laridan quriladigan maktabgacha ta’lim muassasasi binosi **30 yildan** so‘ng davlat sherigiga soz holda qaytariladi.

Xususiy sherik 30 yil davomida talabalarga yotoq joy xizmatlarini ko‘rsatadi, talabalar turar joyini hamda maktabgacha ta’lim muassasasini soz holda saqlash va sifatli xizmat ko‘rsatish xususiy sherik hisobidan amalga oshiriladi. Yotoq joy uchun talabalar tomonidan to‘lanadigan to‘lov miqdori hamda maktabgacha ta’lim muassasasida tarbiyalanuvchilar uchun to‘lov miqdori davlat sherigi bilan kelishilgan holda o‘rnatiladi. Loyiha joylashuvi aniq koordinatlari - 40°09'01"N 67°49'12"E



Mazkur loyiha yuzasidan fikr-mulohazalaringiz mavjud bo‘lgan taqdirda, 2025-yil 20-oktabrga qadar quyidagi elektron manzillarga yuborishingiz mumkin:

1. O‘zbekiston Milliy universitetining Jizzax filiali:

Jizzax shahar Jizzaxlik MFY Sh.Rashidov ko‘chasi 32-uy.

Elektron pochta manzili: e-mail: <https://jbnuu.uz/info@jbnuu.uz>,
exat: ji.milliy@exat.uz

Telefon raqami: (+998) 72-226-01-75

2. Oliy ta’lim, fan va innovatsiyalar vazirligi

100095, Toshkent shahri Talabalar ko‘chasi 7-uy.

Elektron pochta manzili: devonxona@edu.uz

Telefon raqami: 55 520-08-08

**Jizzax shahar Jizzaxlik MFY hududida Mirzo Ulug‘bek nomidagi
O‘zbekiston Milliy universitetining Jizzax filiali uchun davlat-xususiy sheriklik
asosida talabalar turar joyi hamda tadbirkor mablag‘lari hisobiga maktabgacha
ta’lim muassasasi binosini loyihalashtirish, qurish, jihozlash, foydalanish,
xizmat ko‘rsatish va qaytarishni tashkil etish loyihasi to‘g‘risida
MA’LUMOT**

№	Asosiy ko‘rsatkichlar	Ma’lumotlar
1.	Loyihaning nomi	Jizzax shahar Jizzaxlik MFY hududida davlat-xususiy sheriklik asosida 400 o‘rinli talabalar turar joyi hamda tadbirkor mablag‘lari hisobiga maktabgacha ta’lim muassasasi binosini loyihalash, qurish, jihozlash, foydalanish, xizmat ko‘rsatish va qaytarishni tashkil etish.
2.	Loyiha taraflarining nomi: Davlat sherigi: Xususiy tashabbuskor:	Mirzo Ulug‘bek nomidagi O‘zbekiston Milliy universitetining Jizzax filiali “FAIRIES GARDEN” NTM
3.	Loyihaning faoliyat yo‘nalishi	Mirzo Ulug‘bek nomidagi O‘zbekiston Milliy universitetining Jizzax filiali talabalari turar joy bilan ta’minlanadi.
4.	Loyihaning joylashgan manzili	Jizzax shahar Jizzaxlik MFY Sh.Rashidov ko‘chasi 32-uy
5.	Loyihani amalga oshirish muddati	1 yil.
6.	Loyihaning amal qilish muddati	30 yil.
7.	Iste’molchilarga realizatsiya qilinadigan tovarlarning (ishlarning, xizmatlarning) tariflari	Talabalarga turar joyda yashagani uchun oyiga 350,0 ming so‘m
8.	Loyihaning umumiy qiymati	41 695,0 mln so‘m
9.	Davlat tomonidan qo‘llab-quvvatlash hajmi va turlari	Jizzax shahar Jizzaxlik MFY hududidan 0,66 ga yer maydoni vaqtincha foydalanishga beriladi; Vazirlar Mahkamasining 563-sonli qarorining 1(b)-bandiga muvofiq, xususiy sherikka talabalar turar joyini qurish uchun loyiha bo‘yicha bitta yotoq o‘rni hisobida talab etiladigan mablag‘ning 50 foizi, ya’ni 16,48 mlrd so‘m miqdorda Davlat budjetidan subsidiya ajratiladi.